



中国国家图书馆
NATIONAL LIBRARY OF CHINA

中麓山人續對序

人言出對易對對難若出原不佳對佳則為偏
勝難並觀矣予曩有對千餘聯誤為世所珍尚
刻行久矣乃後求者不已散作亦時或有之比
之前刻又得三之一賤物易售貪心無窮名以
續對遂亦刻之出與對皆不佳未知觀者仍前
珍尚否前序引取中格數對今復有聞因附著
之程南樓雲霞千里客風雨一間樓楊文懿半
壁金花春宴後滿床牙笏早朝迴英國公祠宵



中国国家图书馆
NATIONAL LIBRARY OF CHINA

像立祠春秋致嚴乎二祭垂衣耀袞典章特重
乎三王胡可泉題余闕廟生也不辰君固非而
臣自是死焉得所身雖夷而心則華孔廟不知
誰所作萬代宮墻見宗廟之美百官之富六經
方冊如日月之明四時之行陸少石子十餘歲
一對亦可取玉闕風清環珮珊珊青瑣外金吾
夜靜笙歌隱隱畫橋東謝汝湖鳥動天機帶得
春來花外唱魚穿地脉拖將月去水甲吞稍涉
尖新然不失為警句簾短能留月樓高不礙雲

兩朝恩命頒新澤五世衣冠祇舊廬一榻禪關
貝葉風飄塵慮却半間方丈曇雲日影色空忘
孝弟慈父子兄弟足法智仁勇天下國家可均
四聯則唐荆川之作頗為雅致云

嘉靖己未七月一日中麓李開先序

中麓山人續對卷之下

章丘李開先著



樓外樓

圃邊穿井還澆圃

樓外因門更起樓

飛輪亭

七郎院後三盤磨

萬柳陰中一草亭

近水遠山無限好

登山涉水有餘清

墮釣魚蝦堪奉客

忘機鷗鷺自相親

東山遙作案

南圃

近供厨



中国国家图书馆
NATIONAL LIBRARY OF CHINA

山後寨門

築室山之北 治田寨必東

明農齋

日長人靜支頤卧 歲稔民安鼓腹嬉

吾愛亭

治圃雖從衆 愛亭少似吾

爽塏一拳地 清虛八面風

依岩亭

近隣千磧險 遙望一山平

瞰江樓

田畝相連園樹外 樓臺宛在水波間

音江亭

口談宦况休心熱 手掬清流漱齒寒

渴飲豈惟江水好 倦遊始覺仕途忙

餘亭

園小堪遊息 亭多有閤餘

對宅連三圃 出郊第一村

水竹環居為康右 川昆玉作



幽咽泉聲衝午枕 森竦竹影上晴窓
竹邊穿客徑 墻下坐漁磯
遠戶清溪欄干轟轟看魚躍
當門綠竹枝節亭亭待鳳棲
江魚堪供母 庭竹又生孫
水淺不容身立 涖魚龍出沼
竹深難蔽目 遙觀鴻雁排雲
叢竹新亭畔 垂楊古渡邊
鮒困豈終潛涸轍 鳳鳴驚聽在高岡

日烘竹氣侵圖畫 風落溪聲奏管絃
門前巨石如人立 檻外俯簷携客觀
竹院不惟旋五馬 蓮池行見躍雙魚
密竹因風搖鳳尾 池鱗不日占鰲頭
力田堂為甯澗夫作

倉箱百穀欣長滿 畎畝三時力不遺
堂成燕雀交相賀 田沃牛羊牧自蕃
近山亭為高鶴泉作

蒼巖恍是亭中畫 青靄疑為竈上煙



山近樵踪階下斷 池清人影鏡中過

近郭草堂亦為鶴泉作

閒情不厭入煙近 飲興如聞市酒香

為右川康太守乃尊發喪作

里中共惜封君逝 泉下行將大老藏

遺像每驚心椿庭寂寞悲長夜

教言猶在耳芸閣淒涼感舊年

學禮庭空在 居喪巷不歌

為袁西野妻發喪作

百年未滿分鴛侶 一夜無眠憶鴈行

為新樂王成端惠廟作

峩峩廟制遵王制 肅肅儀文本聖文

俎豆春秋嚴祀事 冠裳朝夕慕真容

起孝已成追遠地 尚文况近大成宮

題不愧屋漏不負明時圖

獨坐何曾欺暗室 羣居有限韻明堂

安居村為蕭通府作村有山水

山獐引子時窺戶 水鳥啣魚忽墮亭



為齊東王外祖發喪作

歿在隣親非逆旅 生為驛宰豈齊民

路去佳城無百里 塋離卒日已周年

鳥啼花落春將暮 蟾沒林深夜不朝

滴殘夜雨椿萱淚 老盡東風橋梓情

拜掃松丘明年寒食後

歸遊蒿里今日暖風前

落盡殘紅五更窗外無情雨

經摧老幹三月林中作意風

贈雪簑

靜養為宜終日直 須窮要妙

浪遊何益老年不必弄輕狂

對望樓

居有二樓臨古剎 世耕千畝豈新村

樓對東西日月長 臨照

山連南北雲煙自往來

四簷羅萬象 雙拱俯千山

只宜適興長乘月 詎敢誇言擬摘星



橫梯堪直上 曲檻可平臨

雲矮不防遮并幹 日高方可啓山扉

蒼嶺雲容光戶牖 綠原樹色上欄干

贈張少棠舉人

年踰二十離顏巷 名列三千在孔門

黃甲繼兄為進士 紫微待子作詞臣

莫愁淹驥足 會見中龍頭

羣書插架 一几專房

磨墨長臨帖 研硃自點經

經殘不但秦灰後 書在原從魯壁中

為梧岡王太守乃堂發喪作 二月初七日

愁容不逐春雲散 淚點如同夜雨多

勉做忠臣出孝子 為因葬母哭嚴親

陰雲如結愁同結 春日初長思更長

父歿母亡難再作 男號女哭苦無依

棄事惟從實禮 違時不尚虛文

贈袁西野

青草雨滋侵徑窄 綠荷風折覺池寬



雨晴連日禾皆斂 霜晚重陽菊正芳
儉約田夫十年舊 衲三餐粥
留連市客一闕新詞數着棋

贈王雲峯

洞開看石鏡 雲斂出蓮峯

山妃不顧風飄帶 木客惟將雲作衣

潮生月落奩藏鏡 雲散峯高髻露簪

穿雲最便擡花轎 撥霧休教掩桂輪

虎牙錯列千千仞 鳥翼高張六六峯

煙樓 下為厨竈上結樓臺

撞破煙樓將有子 雖居火宅達無生

竈蓄無窮活火 突飛不斷青煙

溫飽非吾志 炎涼任世情

八口之家同暖室 一身之外等寒灰

簷風牖月長臨榻 爐火樓煙賴積薪

月飛寶鏡明書案 火吐祥煙繞畫樓

東接街衢門前火速喧車馬

北臨京國樓上煙微見斗牛



平臨山識面 俯視水生鱗

笑誼塵市踈櫺外 指顧雲山曲檻中

火性雖炎上 功名不熱中

竹葉瓦盆香徹夜 梅花紙帳暖如春

炙手惟交思濯士 抽身不作附炎人

饑就地爐燒榾柮 渴飲瓦甕飲醪醪

向暖垂楊春淺未勻千樹綠

驅寒熾炭夜深撥盡一爐紅

賞燈

煙花爛熳長春苑 燈火輝煌不夜城

夜月明揚燈燭暈 春風暗度綺羅香

喜有月華臨酒斝 幸無雪片壓燈棚

競造火蛾唐舊事 交馳車馬漢遺風

滿地彩燈欺夜月 喧天畫鼓動春雷

賒酒醉迷三岔口 歸鞭笑指五更頭

照耀無方百枝紅炬明如晝

此對專為黃河燈

周遊有序九曲黃河試探春

贈致政代州同知張梅菴



歸耕東郭良田乃平生之素志
佐理西陲大郡有循吏之清操

曉起聞呂江峯訃音

曉睡方濃一鳥花間驚睡醒

春愁已破雙魚江上送愁來

為王杏里夫人發喪作 二月二十四日

鹿門不共龐公隱 鸞誥曾同君子封

隣笛聞聲多苦調 壁燈照影慘離顏

葬返齊城遵禮制 魂遊楚國好歸來

舉葬助勦憐二子 停喪倏忽已三年

壺範今猶在 帷車久已懸

炊臼豈知捐主爨 買山得助有遺簪

夜雨初晴帶恨梨花驚節換

早寒尚峭含顰柳葉正春分

為王梧岡第四乃郎發喪作

風急難成相見夢 日遙猶有未招魂

父兄哭泣悲長夜 親友咨嗟惜少年

挽歌卜日將歸壠 聞禮何時再過庭



馬踏佳城知有日 鶴歸華表是何年

心勤克紹箕裘業 身歿無慚詩禮家

未壯即為傷逝賦 憐才爭擲弔亡詩

藐茂有三荆尚可並 椿萱以向暖

早摧第四桂不能如 松栢之凌寒

弔客何君庾子塚前悲 玉樹

登僊獻第徽兄牀上嘆 瑤琴用何克庾亮及王獻之故事

棲鳥難戀雛飛影 鳴鶴驚聞子和聲

多鷄旁客奠 瘞鶴動親情

五十九歲自壽

靜觀道德真經手註五千非一日

難滿詩文積債眼看六十欲臨年

基定堂為楊東江作

肯堂定命由基命 近郭新居本舊居

一堂今作始 百室永垂成

堂奧正當光德里 親隣莫擬草玄居

掛壁有餘清總是名賢之作

堆床無俗物莫非古聖之書



僅容旋馬之區據禮難仍舊貫
欲稱樓烏之府揆時宜構高堂

近郭樓并下對俱為東江作

一居自祖鄰東郭 千里思君倚北窓

望江樓

排闥四圍山勢近 憑欄一望水源長

拱北樓

樓瞻珠斗外 家在繡江邊

門高絡繹容車馬 簷濶分明見斗牛

進初堂為楊東漁作

退修期永後 進取不忘初

城中起第從今日 郭外安居自昔年

蔬果亭

細軟菜根纔展甲 芬芳果實喜盈枝

棊手原高果落如敲子

雄心觸發畦方似界盤

為高碧峯妻發喪作

一天愁霧迷孤鴈 五夜悲風逐斷猿



啼鵲風外急 飛鴈月中單

為潘來聘乃郎發喪作

苗而不秀蝗為害 桐以經摧鳳懶棲

泉下衆憐葳弱冠 堂前誰復戲斑衣

為任士英秀才乃尊發喪作

壽登耄耋方捐館 德感親知競脫驂

古雅冠裳塵已滿 莊嚴模範世猶傳

恪遵遺教無言外 若見嚴容祇夢中

為袁西野乃郎發喪作

未酬壯志魂千里 正在韶年夢一場

愛子壯軀捐一疾 嚴親老淚洒千行

為馬惟則秀才乃尊發喪作

鶴化弟賓徵異感 燕方辭主適同歸

節槩稜稜名不沒 英靈耿耿氣猶生

堂椿昨夜霜摧折 墓木從今風怒號

北山葬據儒家禮 南冶名留義士稱

館舍長辭不復務農糊衆口

鄉邦共惜足占公輪在人心



芒鞋階下猶存跡 蓬矢床前空網塵
交友曾無失 護鄉大有功
晞露明朝正 齊客哀歌之日
嚴霜冷月乃陶君送葬之時
沒後為神位 添家廟春秋祭
生前濟物名重鄉人月旦評
黃壤埋親為隕靈 椿奔弔客
青雲有子暫將仙 桂讓他人
為徐祐之乃堂發喪作

追從夫子泉臺下 永別兒孫人世間
朝食均分諸愛子 夜機曾伴一儒官
年臨八袞真為壽 賻有諸親足濟貧
為王國賢夫婦發喪作

雙憐靈骨村邊葬 一對幽魂地下遊
殘蝶雙雙隨下葉 啼鳥啞啞在高枝
作古夫先婦後 抵今女泣男悲
燕歸明歲非前主 鴉噪斜陽感後人
友人有求而不遂 勞而無功者以一對憐



之

見死無人救 浮生枉自忙

有年樓

農夫長作侶 俗客到無由

街頭鮮見啼饑者 樓上欣看扶醉人

不須農隙長無事 竊喜人逢大有年

一熟詎堪稱富庶 三登差可補凶荒

倉箱有積知豐稔 碌碡無聲豈太平

會見萬民歌五袴 何時斗米只三錢

贈術士杜雲菴

高名自是招賓友 奇術真能役鬼神

春帖

包含暖意柅初萼 粧點春工柳拂絲

風外尚聞嘶代馬 雲中早已度南鴻

日光漸北如驅暖 風力從東似餞寒

醞釀早花標木德 萌芽宿草應條風

不復日奔馳 以北以南取為隨 鴈客

欲知春早晚 或前或後請看策牛人



又逢虞帝光華旦 已過周宣乾燠年
賀客交臨口邊共祝三千歲
老農竊喜手裏先拈六十春
畝畝難忘每問國安憑北使
湖山可樂又行春令屬東皇
相伴田夫晚景扶犁聊度歲
曾叨省長當時振珮早朝元
慶節門前乘馬客 耕春林下飯牛人
時當二氣之交 春比三皇之世

日臨嫩紫之墟蟄蟲始振
斗正攝提之次候鴈將迴
桃含嫩葉欺殘雪 柳吐輕絲織暖烟
田園漸發生三陽啓泰
草木咸萌動四序先春
乍暖鶯遷谷 猶寒燕未巢
玄英隨臘去 青帝送春來
家宴長開不厭敬鍾達旦
園花競發何須剪綵為春



不怨相離縱教草滿王孫路
無庸寄遠一任梅殘驛使亭

寒逼檻梅初破玉 暖融簷雪已垂銀

與客倒金罇呼童當戶唱

何人知玉律為我倚樓吹

沙暖雙鴛睡 春融萬象生

雪融山擁翠 風暖柳塗黃

春詞先試筆 早酒不停盃

籌添銀漏曉 酒進玉壺春

斜篆一爐當晝永 遊絲百尺映晴飛

綠黃各半春初草 紅白將殘臘盡梅

鶯穿將變柳 蜂採欲舒花

谷鶯凍舌晴初弄 庭鶴修翎暖自舒

墻柳庭梅明媚景 蹊桃徑草艷陽春

祥雲樓外微籠日 淑氣池中淺試春

吐白吞紅花欲笑 醞黃釀綠柳將眠

風起思尊假使當時羈仕足

春迴到柳定因此日動歸心



年老最忻逢麗日 春長猶自惜分陰

風朝寒較淺 日午暖尤多

池心冰已解 墻角雪猶存

垂釣長江暖日沙明金屑色

閒遊古寺晴煙佛放玉毫光

歌比流鶯醉卧柳邊停拍板

風如引馬遍遊花外駐吟鞍

寒谷探梅猶凍色 陽坡插樹有春痕

迎春漸到花多處 撫景迴思年少時

贈謝四溟

作人太峻昨復遊燕屢經戚里羞投刺

賢主今薨勢當去趙何處王門可曳裾

挽唐荆川挽惟有詩對則前此無聞

出似非時莫譏制行同流輩

死真是惜再讀遺文作古人

挽王南江

八千路遠信難通得何疾病因長逝

五十年餘名大振况有文章可久傳



為魏東臯妻發喪作

二月初七日

隣杵數聲增舊感

壁燈孤影晃新愁

此後賢妻難再見

往年長子况先亡

喪主其間心獨苦

職賓以下慨同多

架上遺裳塵網積

室中舊寢總帷空

染疾難醫仲冬望後嗟長往

因貧勉力二月初旬始治喪

炊臼元非吉兆

鼓盆忽動哀歌

兒女悲哀深感烏巢猶哺母

夫妻訣別堪憐龍劍忽沉雌

老景喪妻情最惡

少年哭母恨無窮

為唐介妻守節作

節婦悲懷夫主早年捐館舍

鄉人仰望禮官亟請表門閭

掛劍無人空留麗曲為時尚

介吾作詞曲頗為當時所取

鳴機寡婦今已行年近古稀

戲題薄酒

君子之交淡如薄乎云爾



醉翁之意不在重其然乎

慕玄堂為楊東里作

花麗蔣公三徑滿 草玄楊子一區安
華寓依希冠蓋里 玄堂密邇繡江城
堂潤堪延客 軒明最可人

進初堂再為東漁作

改作不須仍舊貫 遷喬共羨得新居

祝東里生子

從來老蚌珠成晚 會見維熊夢不虛

題尚友懷人卷

尚友千年方得友 別君一日即思君

博興儒學錦秋亭

拂曉看荷茂 乘秋奪錦歸

登賢堂

千里經生來講下 一時詩客共罇前
急逐高賢長倒屣 自知不肖絕徵書

相公庄朋來堂

堂隍讌集新賓客 庄所名因舊相公



北地曾遊宦 南村樂得朋

教育英才三可樂 結交益友百無憂

敦本堂

四民農是本 百行朴為先

南思軒

客邸曾遊燕市上 祖居原在駝山南

北望軒

有憶時常瞻北斗 無才只合卧東山

贈郭五遊

遍登五岳尋瑤草 歷涉三江采玉蓮

贈臨淮八十九歲翁高芝田訪道

頭上霜毫眼下行 將九十歲

眉間道氣曾中默 契五千文

題呂公洞

一日三秋慕道心 存千古上

百年兩度題詩 仙降五雲中

贈招遠溫幼海通府

年長形如少 道高慕却低



賀栢亭高鴻臚新居

未賓賀及梁間燕 愛主情兼屋上烏

堂潤可羅新坐榻 居深克稱舊儀臺

先母發喪

蒿里將高新馬鬣 萱堂拾得舊熊丸

望外雲愁冬霽少 悲中風慘暮寒多

望微德薄弔慚雙鶴及生芻 無勞友愛

歲歎差繁祭只隻鷄兼斗酒 懇告親知

若欲厚終須據禮 寧違末俗不崇文

鸞誥重封汪濊 國恩今尚在

駒書應夢死喪家難古誰無

多年無復斑衣舞 不日將聞執紼歌

七十七年非不壽人子無窮之心寧止於此

三千三百本多儀葬親莫大之事惟致其哀

丘山罪重停喪久 滄海恩深欲報難

絮滾花邊狂吹悲野馬

巢藏葉底反哺媿庭烏

過街棚門

禮必明晨朝祖廟 柩將由此葬先塋
棄養昔年捐館舍 望歸何日倚門閭

亡妻發喪 同日

治喪恪守前人訓 勩業迴思內助賢
葬遲原有待 景促恨無窮

斷絃已有齊東續 分鏡難同都市圓

一夕病沉增異感 百年債滿始同歸

恨少返魂丹鬲術 空孤當日白頭吟

四十三年如昨夢 百千萬恨集今朝

父亡結髮吹簫侶 空憶齊眉舉案人

先塋石門

漫漫長夜何時旦 瑟瑟高松不記年

亡妻壙門

修短由天命 歸來此地藏

為王仁夫乃尊遷葬作 四月初八日

權厝遠鄉從治命 改遷舊兆順慈心

招魂離濟水 埋骨復郎山

白馬素車再紛弔客 彩棺丹旆返葬嚴親



愁緒無端晴天易墮黃昏日

戚容可掬夏月翻吹慘淡風

歿後光陰如逝水 生前事業逐飛塵

父癯壽繇虛祝史 徒將焚些問巫陽

為遠希顏秀才同妻發喪作三月初八日

地底魚軒驚並迓 人間龍劍會同沉

松丘即目埋雙玉 茅屋終身守一經

為楊東江父母發喪作 二月二十四日

祭祀從今隨伏臘 嚴慈不復侍晨昏

音容隨日遠 名德不塵埋

具慶豈期成永感 同歸何日得重逢

豈料椿萱相繼哀哀終寢室

旋栽檜栢行將鬱鬱閉佳城

為因日下名賢塋 不但雲中弔客來

寶匣飛雙劍 瑤琴斷兩絃

豈知一旦成千古 虛望雙親祝滿百年

散對

酒徒頻擊戶 獵伴約搜林



谷中風力軟 林下日光長

綠陰生屋角 白露下林臯

冬寒遙憶籌邊將 夜永深憐直省郎

鷄羣那得昂藏鶴 蛇窟深藏天矯龍

近寺人家長素食 閉關禪客守清規

雪融北渚潛消臘 梅吐南枝已破春

坐觀倚檻花微泣 露微含夢天

慢折長亭柳半拂 歌筵半織愁

花生仍舊幹 麥熟食新蒸

賤造無勞細算 貴游不必相交

高柳風前搖密葉 長榆月下映交枝

花枝映月清宵好 柳線擘風白日遲

嘆賞好詩頻擊節 蕭條閉戶獨開樽

鳥驚花落紅堆砌 魚蕩萍開綠滿池

明月美人空遠憶 浮雲遊子幾時歸

落日青山留返照 東風紫陌滾香塵

息存存而神自定 心了了而口難言

門外枯楊難繫馬 廟前老柏不藏鴉



暑甚寒泉浴 春初煖谷遊

夜靜泉聲飛枕畔 朝來山翠滴林前

長繩難繫雲邊日 短棹能穿水底天

秋風聞擣素 夜月照流黃

始信同心輕白璧 果然衆口鑠黃金

日中畫壁丹青古 雨後春山紫翠新

雙鯉傳書非假信 五龍睡法是真詮

無數牛羊青塚上 逐羣鴻鴈碧雲端

錯節盤根知利器 搖唇鼓舌起談鋒

棄職無何仍仕宦 遊仙夢覺落塵凡

放狂且取眼前樂 謹飭何須身後名

俗曲堪清聽 明珠莫暗投

天梭已有流星織 雲錦爭看指日成

讀書時有窺簾鳥 供饌朝烹盈尺魚

羈樓旅店鷄鳴早 瞻戀鄉山馬去遲

烏巾自掛三花樹 鳩杖誰敲五柳門

驛使梅花勞遠寄 王孫春草怨遲歸

雲深難辨路 水漲似浮山

繞樹忽聞黃鳥弄 思家疑是子規啼

目病行投暗 身勞夢不明

鼎食鐘鳴一品官 高非不美

倉餘布暖三冬 衣隙足相當

水次褰芳杜 風前嘆落花

觀山雲霧連朝合 送客川塗從此分

裂石穿雲牧笛 鈎風釣月漁舟

簷雲風聚黑 樓月雪爭明

今對雨花貪社酒 曾因風柳亂鄉思

效敬前為壽 不愚退省私

病痊今勿藥 胃壯且加餐

居下思高寧為鷄口 羞牛後

同時異命或作龍頭 與馬前

也知謹密名偏好 爭奈踈狂性不移

家恨藏書少 隣嫌買酒多

堂上琴書無俗物 江邊篔簹笠有閒人

遊人徹夜無停軌 知友連年少報書

玉露無聲秋自覺 銀河倒影夜將闌

喜聞客子臨風笛
安得仙人承露盤

搖扇驅風眼觀明月
從東出

倚欄望斗心逐浮雲
向北馳

早起驚看雲擁座
夜來最愛月當樓

對局友朋常敗北
得經童寇待圍南

獨對囊螢車氏案
莫嗟羅雀翟公門

寺鐘社鼓朝相趁
漁火村燈晚共明

莫羨春長堪遠訪
乘榆日短恨遲歸

歌登清廟搖朱鷺
經寫黃庭換白鷄

萍蹤浪跡初無定
野性山情竟不移

此日棲遲逝世經
當年勇決謝朝簪

白雲風起思乘鶴
滄海波深學釣魚

五株門外先生柳
二頃城邊季子田

市虎易成甘豹隱
城狐難去不鷹揚

對人射覆多奇中
國友尋真得異傳

病久新年增老態
丹成異日返童顏

解組因誰逼
懸車只自由

早飯燒松葉
晝眠枕竹根

遊宦馬蹄穿欲盡 為農牛角扣還歌

史冊竒聞因病牛 哀曾化虎

縉紳儉德誰如羊 續肯懸魚

風磴行攀葛 雲岩坐折花

日影侵臨頻改席 泉聲感沸可傳觴

墻柳因風屏間葉亂 池蓮映日鏡裏花開

日穿簾影花亭麗 風落棊聲草閣清

河畔漁磯為舊隱 梁間燕壘趁新居

屨跡如要譽 退居本養威

開閣開心好賢之篤 閉門閉目偽學之尤

朱華冒日胭脂重 綠竹搖風翡翠輕

解龜喜作賦 瘞鶴痛為銘

好客風聲遠 隨人月影孤

雲鳥頗精司馬法 尊鱸爭繫季鷹思

水濶魚遊濶 雲長鴈去長

惠連喜接連枝會 靈一同驚一葉秋

無數吟蛩聲冷壁 成雙過鴈影晴川

妓喜新聲微動朱唇偏入耳



中国国家图书馆
NATIONAL LIBRARY OF CHINA

人當老景亂飄白髮不梳頭
鼎成金竈火 香裊玉鑪煙

年將周甲子 日望得丁男

一朝官罷良朋散 千畝田多踈者親

深嫌人海難居處 欲借僧房一醉眠

我心匪石真難轉 客鬢如絲可奈何

權將歲月魚竿老 莫望風雲象闕遊

在任十年今在告 相知一字不相聞

長虹長飲長江水 高鳥高棲高樹枝

種樹成林久向東山卧

開花似錦無由上苑看

于今仕宦機關不堪隱者聽

自古詩文妙竅難向俗人言

面常累月全無洗 心與浮雲總是閒

宦情灰冷燒丹竈 文譽香餘貯藥囊

變化無端林頭脫劍真神物

穹窿有象几上一獅鑪出國工

蘆花雪後偏增白 楓葉霜前更著丹



綠鬢已看成雪鬢 蒼顏難得復朱顏

輕車就熟路 短棹下長江

斗間分劍氣 月下聽琴聲

市上傳真虎 人間好似龍

病餘體瘦嫌寬帶 酒醉心忙莫着棊

樓閣迎朝旭 軒窗納晚涼

自擬長卿賦 人傳少婦碑

經解何須求異說 詩成且復寄同聲

林下真長策 道邊死直絃

偶上仙壇金母下 幢旛玄鶴舞

閒遊道院玉皇王 几案白龍飛

霞共花扶曉 風因竹弄秋

笑滿腮 今旋邑一井 淚沾臆 昔別鄉山

紅藥翻階吾獨賞 青苔滿徑客稀來

霜前落葉愁中見 風外鳴條醒後聞

爆竹聲驚鬼 畫梅妙入神

花稍含曙色 樹杪起秋聲

有朋不遠千里 無子又將六年



筆慵揮硯池因雨滿 書不讀簡帙被風開
梁飛蠹屑紛如雪 篋掃浮塵暗似雲
飯甌因饑風扇急 藤牀睡起日輪高
循吏愛民稱漢室 嘉賓好我示周行
主人未起隣鷄促 客子將行握馬喧
厨蓄長生藥 處衰無結主書
只解讀書喂短榻 不能抽筆賦長楊
久作青山主 暫依白社僧
營家猶不足 經國有何能

招嫌只為輕開口 憤世何須重撫膺
姬娼同露坐 賓主各風流
潛龍今勿用 衰鳳古聞歌
勝地金難買 飛泉玉不如
菊園武士披金甲 桂館仙人弄玉笙
村酒銅餅注 山精石鼎烹
月坐長孤嘯 風聞被衆猜
此際一丘聊駐足 他年五嶽擬行蹤
橫生藤刺壁 貪長竹穿簷



堤柳晴飄風外絮 池蓮夜吐月中花

守廉要作甘貧士 茹素無殊苦行僧

架上瑤編堪度日 匣中寶劍直衝星

登樓心北闕 居第面南城

去國憐吾友 借居種此君

得道忘言後 悟禪半偈中

樵子穴居山月底 漁翁家在水雲東

看山藉草權克座 照水簪花屢試冠

近傍藥欄穿藥井 遠乘花轎訪花園

朝中翫麟辭寮友 寺外夷猶候主僧

金先生腐草 玉律暖寒灰

劣詩時發笑 澁局日長輸

從星將雨月 結露欲霜天

初聞疑是滄浪詠 寡和彌高白雪聲

犬吠鷄鳴斯守窓前分夙夜

鴻來鴈去相逢路上問春秋

東海為漁備嘗海味 南山考牧長帶山容

壁間高掛三天字 窓下詳觀五嶽圖



拋杖占無恙 廢書別有營

海推曉日迎賓出 風捲秋雲背我馳

日落西山蒙末照 風生東國有先聲

居位無如居梓里 識人豈若識荊州

才捷雖云倚馬 文成不過雕虫

勵操難偶俗 嫉惡不容人

豺狼張當道之威 狐狸莫問

鴻鵠有冲霄之志 燕雀安知

山顛樵子度 水次榜人喧

隣鷄三唱天將曙 塞鴈羣飛秋已深

園果猶生早已市 家醢未熟先乞諸隣

隱几嗒然忘世味 闔閤久全不養元陽

美人夜向山中宿 良友朝從陌上看

閒情愁束縛 夙性喜登臨

愁况難捱長夜漏 誠心亟辦早晨香

遊樂原來無定所 遁迹何必只深山

落落孤身正當月 黑須防寇

蕭蕭兩鬢驚嘆霜 華不貸人



身處市廛非近跡 心馳京國有餘情
假名欺後世 實跡媿前賢
轉因休沐久 迴笑宦遊非
暑熱往年無幾日 秋涼今夕會雙星
薄宦投簪嗟太晚 高人枉駕竟愆期
馬用白堪采 其如紫奪朱
日裏行來覆屋柳條增黑暗
雨餘注望園園花樹轉分明
音最悠揚一唱清詞驚落鴈

味湏淡薄三餐白飯啖枯魚

玉盤盛玉露

金鏡漾金波

鳥雀爭枝花滿地

魚龍戲水浪滔天

殺鷄為黍鄉人飯

跨馬揚鞭國士風

揮戈玉壘心曾許

執戟金門願已違

佐漢無非屠狗輩

霸秦却是飯牛人

行遲愛跨黃牛穩

愁劇非干綠蟻空

困魚喜縱天池濶

駑馬難馳仕路長

情緒不殊新市鬧

心旌已向故山搖



病體非難愈 賞心不易逢

夾砌竒花迷戲蝶 遶園怪石列羣羊

晝遊每遠昏星出 夜燕長看曉日生

乞憐搖尾成何物 敢諫批鱗羨直臣

卯酒盃深催客醉 晚餐鐘定斷人行

採藥雲生袖 燒丹月在爐

山坳登頓憑雙履 水面漂搖任小舠

霜嚴庭木脫 風驟檻花飄

霜降水痕清見底 雨澆山色翠連巔

閒愁莫向胸間掛 狂性從教背後談

留戀纜行舟莫管槳殘津吏鼓

困眠潛卧榻那聞撞破寺僧鐘

風弄夜琴驚逸韻 月臨秋扇慘離顏

夜月本無情照添閣內情人嘆

春風素不識送得舟中識者來

增水不知何水派 遮山原是此山雲

月墮手盃因夜飲 雲生足履為朝遊

帶雪風如箭 釣星月似鉤



客中愁思渾無賴 人後非言總不聽
利薄山田須減却 名高鄉社許增添
雲虹度石梁 日日看花紛過客

月兔臨金闕 年年搗藥望長生

行矣歸丘壑 居然勝市朝

仰觀海日揚朝彩 忽復山陰落夕暉

晴明露出山中寺 昧爽霞拖海上城

風掃雲枝矮 露零月桂圓

病體不能親筆硯 塵心強自對琴書

何處得來千日酒 閒罇飛舉九華觴

河濱水檻涼無暑 山下溫泉凍不寒

圭惟無玷貴 劍為不平磨

于今熟竈爭趨火 自古寒門冷似冰

善緣結在已 惡語莫傷人

窓明鐘送曉 樓迥笛橫秋

垂幙濃雲布 覆盆驟雨傾

分比蝸涎惟滿殼 事如蟻網有多端

雨久枯枝猶長葉 風柔嫩笋忽成筍



病嫌山葛重

醉戴野巾偏

沉酣三日酒

典當一春衣

悶去合圍招獵戶

亂來題壁當詩家

魯弱齊強難着眼

秦肥越瘦不關心

偶爾吟詩好

果然當局迷

天旱山焦難徃牧

雨頻徑斷不通樵

吏部甕邊曾醉卧

太常衙內守清齋

文士攻文文已化

道人訪道道將成

說法黃龍聽

取經白馬馱





中国国家图书馆
NATIONAL LIBRARY OF CHINA